

nulla, ma il duca ha dito a l' orator farà comprar formenti lui per suo conto, et li darà a chi vorà la Signoria, et se li darà li danari.

Da poi disnar, fo Gran Conseio. Vene il Sere-
nissimo, et fo leta per Nicolò Sagudino la parte
presa heri nel Conseio di X con la Zonta zerca le
excessive spexe fanno li rectori nostri, la copia
sarà scritta qui avanti.

*Scurtinio di Podestà a Padoa iusta la parte
con pena.*

Sier Polo Bragadin fo proveditor alle Biave, qu. sier Zuan Alvise . . .	13.170
Sier Vincenzo Capello fo capitano zener- al di mar, qu. sier Nicolò . . .	107. 74
Sier Domenego Trevixan fo avoga- dor di Comun, qu. sier Zaearia . . .	50.138
Sier Alvise Badoer l' avogador di Comun, qu. sier Rigo . . .	19.157
Sier Alvise Mocenigo el cavalier, sa- vio dil Conseio, qu. sier Thomà . . .	64.120
Sier Nicolò Venier fo capitano a Pa- doa, qu. sier Hironimo . . .	44.133
Sier Gabriel Moro el cavalier, fo sa- vio dil Conseio, qu. sier Antonio . . .	52.125
Sier Lorenzo Bragadin el consier, qu. sier Francesco . . .	99. 81
† Sier Piero Lando fo savio dil Con- seio, qu. sier Zuane . . .	108. 81
Sier Francesco Longo fo al luogo di Procurator, qu. sier Francesco . . .	50.136
Sier Hironimo da chà da Pexaro fo savio dil Conseio, qu. sier Beneto procurator . . .	60.121
Sier Gasparo Contarini fo savio dil Conseio, qu. sier Alvise . . .	64.118
Sier Alvise Michiel fo sopracomito, qu. sier Vetor . . .	19.164
Sier Marco Minio fo savio dil Conseio qu. sier Bortolomio . . .	62.120
Sier Marco Foscarei fo savio dil Con- seio, qu. sier Zuane . . .	98. 88
Sier Domenego Contarini fo capita- nio a Padoa, qu. sier Mafio . . .	29.154
non Sier Antonio Surian dottor, cavalier, el cao dil Conseio di X, qu. sier Michiel, per contumacia.	

In Gran Conseio.

Podestà a Padoa.

† Sier Piero Lando fo savio dil Con- seio, qu. sier Zuane . . .	1063.104
Sier Francesco Venier fo podestà a Brexia, qu. sier Zuane . . .	316.858
non Sier Antonio Surian dottor et cava- lier, fo cao dil Conseio di X, qu. sier Michiel, per contumacia.	
Sier Ferigo Renier fo cao dil Con- seio di X, qu. sier Alvise . . .	479.707
Sier Giacomo da Canal fo avogador di Comun, qu. sier Bernardo . . .	253.931

Noto. Hozi fo visto Jacob hebreo fo fiol de An-
selmo *dal Banco*, in manege . . .

A dì 7. La matina. Vene in Collegio l' orator
dil duca de Urbin, rechiedendo denari per le zente
dil duca. Fo parlà tra li Savi de expedir la materia
di possessi; alcuni volevano aspetar venisse in Col-
legio sier Alvise Mocenigo el cavalier, savio dil Con-
seio, qual ha altra opinion, et è contrario, ma il più
volsono hozi Pregadi.

*Da Dulzigno, di sier Alvise Zigogna conte
et capitano, fo lettere di 14, ricevute questa
matina a dì 7.* È zonto de qui hozi uno navilio di
Puia, manca di Barleta zorni 14, dice esser zonto li
a Barleta fanti 500, archibuseri, tuti in ordine, et
li haveano fato la resegna et tocat page 2 per uno
in danari et una in panni; et era sta fato comanda-
mento a le terre di marina che faceseno uno timaro
di biscoto per caxa, et che se diceva aspetar altra
zente, et a Napoli esser zonto armada di barze et
galie per andar non si sa dove. Scrive come a
Sculari è successo questi proximi zorni che haven-
do turchi preso un povero christian suo subdito
di quelli sogliono depredar et fanno schiavi, et fo
astreto a farsi turco e dar li soi figlioli ne le man
loro altramente lo scorticavano, lui constante non
volse farse turco nè darli li fioli, *unde* lo feno scor-
ticar et impirono la pelle di paia et il corpo lassono
devorar a cani, *unde* si levò uno aere caliginoso et
senza altra piovra deserossi dal cielo una saita che
ruinò tre caxe et sfesse una cortina de la muraia di
la terà fino a le fondamenta, et vene uno teramoto
che spaventò tuti essi turchi, et da quel zorno in